

## Crisis Theologica

**Cárdenas, Juan de**

**Sevilla, 1687**

Dissertatio XXXI. An, & quatenus famulus possit ministrare hero per actiones, quæ saltem ex inte[n]tione heri ad eius luxuriam deserviunt?

---

[urn:nbn:de:hbz:466:1-75689](#)

(¶¶¶¶¶¶¶¶¶¶¶¶)

## DISERTATIO XXXI.

*An, & quatenus famulus possit ministrare hæro per actiones, quæ saltem ex intentione hæri ad eius luxuriam deser- viunt?*

## SUMMARIUM.

*Difficilimum iudicium de actionibus secundum se indifferentibus. n. 2.*

*Circumstantiae, sub quibus damnatur hæc propositio, notanda. n. 3.*

*Dubium ortum ex ipsa propositione damnata. Et ratio illud excitandi. num. 4.*

*In eo dubio tñior pars eligenda. n. 5.*

*Rationes inclinantes in actiones famuli cum periculo vita. n. 6. & seq.*

*Quid intelligatur illis verbis [quid simile cooperando.] n. 10.*

*De actionibus alio modo indifferentibus. num. 11.*

1. **P**ropositio 51. ex damnatis hæc est: *Famulus, qui submissis humeris scienter adiuvat herum suum ascendere per fenestras, ad stuprandum virginem, & multoties eidem subseruit deferendo scalam, aperiendo ianuam, aut quid simile cooperando, non peccat mortaliter, si id faciat metu notabilis detrimenti, putane a Domino male tractetur, ne torvis oculis aspiciatur, ne domo expellatur.*

2. Cum iudicium ferre in hac materia, & in tanta varietate circumstantiarum, sit difficillimum, gratias habere debemus SS. D. Innocentio XI. quod hanc damnationem fecerit, qua docemur, quid illicitum sit in iis circumstantijs. Et quidem quod id iu-

dicum sit difficillimum, constat, ex eo, quod ex una parte illæ actiones, considerata secundum se, sunt indiferentes; ex alia vero exercitæ in talibus circumstantijs proxime iuvant ad peccatum. Ideo authores, qui ante hoc decretum scripserunt, abierunt in diversas sententias, cum magna varietate; alij enim alias actiones ex memoratis condemnant, & alias approbant; alij vero è converso has condemnant, & alias approbant.

3. Ad rectam intelligentiam propositionis damnatae, notandæ sunt circumstantiae, sub quarum concurso damnatur propositio. Prima circumstantia est illa, quæ significatur illo termino *scienter*, nam si famulus, qui ianuam aperit feminæ ingressuræ, solum dubitat, an ea ingrediatur ad turpem congressum; non debet presumere ingressum eius esse in pravum finem. Secunda est, quod licet actiones per se sint indiferentes, de facto tamen adiuvant herum ad turpidinem exercendam. Tertia est, quod damnum, ob cuius timorem famulus eas actiones exercet, sit solum, quod male tractet eum Herus, quod torvis oculis aspiciat, aut quod è domo expellat. Et ita his tribus concurrentibus, quod actiones famuli adiuvent ad turpidinem de facto; & quod fiant sciendo eum pravum finem; & quod fiant ex timore eius detrimenti memorati; propositio, quæ id asseruerit licitum, damnata manet vi huius decreti.

4. Sed numquid licitum erit famulo eas actiones exercere, si timeat aliquod multo maius detrimentum, scilicet mortem, aut mutilationem à Domino valde superbo, & iracundo? Et ratio dubitandi est: nam ex una parte videtur non damnari, cum propositio damnata solum loquatur de timore, quo famulus timet male tractari, torvis oculis aspici à Domino, &c.

&c. non autem loquitur ea proposi-  
tio de timore gravissimi detrimenti.  
Ex alia vero parte cum in proposicio-  
ne supponatur, eas actiones adiuvar-  
ad exercendam turpitudinem, & per  
eas cooperari ad luxuriam, vt deno-  
tant ea verba, *aut quid simile coope-  
rando*, videtur supponi eas actiones in  
illis circumstantijs esse intrinsece ma-  
las, & quæ ex nullo metu, etiam gra-  
vissimo, possint honestari.

5. Et quidem ego nō audeo hoc  
dubitum meo iudicio decidere; cen-  
seo enim consulendam esse Roma-  
nam Cathedram. Et interim dum  
consulitur, illud mihi erit dubium  
practicum, in quo tertia pars eligen-  
da est. Nam, vt docui in 1. part. Cris.  
Theol. disp. 10. cap. 2. nū. 20. & cap. 2.  
num. 59. & 3. part. disp. 56. cap. 9. art.  
4 num. 598. & in hoc lib. disert. 4. du-  
biuum deprobabilitate opinionis est  
dubium practicum.

6. Dices primo, id verbum *coo-  
peratio* non aposuisse Pontificem, ne-  
que ipsum declarasse, eas actiones fa-  
muli esse cooperatrices luxuriæ He-  
ri; sed id verbum appositum esse ab  
Authore propositionis: ergo non est  
cessendum eas actiones pro omni hy-  
pothesi esse ita malas intrinsece, vt  
in necessitate gravissima non possint  
honestari.

7. Dices secundo. Cum Pontifex  
non damnet expresse eas actiones in  
casu, quo famulus timeret mortem ab  
Hero sibi inferendam, sed solum pro  
hypothesi metuendi minus damnum;  
videtur dici posse, esse saltem tenuiter  
probabilem propositionem asseren-  
tem in aliquo casu posse eas actiones  
honestari: sed opinio tenuiter proba-  
bilis potest deduci ad proxim in gra-  
vissima, & urgentissima necessitate, at-  
que adeo in periculo occisionis, eo  
modo, quo diximus disert. 4. ergo  
illæ actiones famuli poterunt hones-  
tati in eiusmodi periculo mortis. Et

quidem urgentissima necessitas est cir-  
cumstantia, qua aliquando super-  
addit probabilitatis vim opinioni te-  
nuiter probabili: ergo.

8. Dices tertio. In hypothesi, in  
qua famulus ex iusto timore occisio-  
nis aperiat ianuam concubinæ adve-  
niēti, potest dicere intra se, [Ego ape-  
rio ianuam, non vt intret concubina,  
sed vt ego eripiat à periculō mortis.] In  
qua hypothesi apertio ianuae non  
videtur ordinari ad ingressum concu-  
binæ, sed ad vitandum periculum  
mortis; critque per accidens, quod de-  
serviat ad ingressum faminae. Est enim  
urgentissima causa, vt ita possit fa-  
mulus diriger eam actionem ad eva-  
dendum periculum; quamvis ex ma-  
litia sua herus eam dirigat adfoven-  
dam suam libidinem.

9. Ad hæc omnia respondeo, ea  
inclinare aliquanto intellectum ad  
hanc assertionem; sed non satis fidere  
posse ijs fundamentis in materia tam  
gravi, donec Romana Cathedra de-  
claret, an illæ actiones famili, quæ de  
facto adiuvant ad luxuriam Heri, pos-  
sint in aliqua circumstantia honesta-  
tari.

10. Inquires, quæ actiones sint,  
quæ comprehenduntur sub illis ter-  
minis, *Aut quid simile cooperando?* Et  
respondeo, eas esse, quæ adiuvant de  
facto ad exequendam luxuriam; quæ-  
vis abstractæ ab illis circumstantijs  
sint indifferentes. Tales sunt deferre  
scienter concubinam ad domum He-  
ri ad effectum luxuriæ, sive famulus  
deserat in sella gestaria, sive deferat  
eam comitando; item ferre scien-  
ter litteras provocatorias ab Hero ad  
concubinam, vel è converso, sive eas  
litteras scribere; vocare concubinam,  
vt aeat domum, aut cubile Heri: fa-  
mulum iussu domini pergere ad se-  
quendam mulierem, vt sciat, ubi habi-  
tet, vt id notum faciat domino. Nam  
hæc omnes actiones adiuvant de facto  
ad

ad exequendam luxuriam Heri. Ple  
rūmque tamen excusantur famuli, eo  
quod ignorant, ea ministeria esse pro  
exercenda libidine, & quamvis me  
ra suspicione tangantur, ea solet non  
esse talis, vt extrahat eos à mera du  
bitatione.

11. Aliæ autem actiones ministrandi, quæ non adiuvant ad exercen  
dam luxuriam, non est, cur sint illici  
tæ: v. g. si concubina existens in do  
mo Heri peteret à famulo aquæ pe  
culum, non esset illicitum, aquam  
illi ministrare, quia ministratio aquæ  
non adiuvat ad exequendam luxu  
riam: & sic in similibus actionibus,  
quæ ad id nihil adiuvant.



## DISERTATIO XXXII.

*An præceptum servandi festa  
obliget sub mortali? Vbi etiam  
an simultanea auditione dua  
rum medictatum Mis  
sa impleatur præ  
ceptum?*

## CAPUT I.

Refertur proposicio damnata, &  
præmittuntur aliqua ad prio  
rem questionis partem  
decidendam.

## SUMMARIUM.

*Leges Canonicas, & quinque præcepta  
Ecclesiæ solum esse penalia, qui di  
ixerunt? n. 1.  
Discrimen inter mandatum simplex,  
& præceptum. n. 2.  
Quinque Ecclesiæ præcepta obligare*

*sub culpa modo certum est. n. 3.  
Ex eo, quod aliquæ leges non obligent  
sub culpa, non sequitur, præceptum  
servandi festa non inducere obliga  
tionem sub culpa. n. 4.*

*Leyes Ecclesiasticae alia preceptiva, di  
rectiva, alia n. 5.*

*Non est de essentia legis Ecclesiastice  
obligare sub culpa. n. 6.*

*Violatio præcepti absque contemptu  
peccatum non est, nisi sit contra cha  
ritatem. n. 8.*

1. **P**ropositio 5: ex damnatis hæc  
est: Præceptum servandi fe  
sta non obligat sub mortali, seposito  
scandalo, si absit contemptus. In 2. part.  
Chrif. Theol. disp. 23. cap. 2. & seqq.

notavi Caramuelum in Theol. Regul.  
disp. 102. procedere dubitanter circa  
quinque Ecclesiæ præcepta, an obli  
gant solum sub pena, & non sub cul  
pa. Et pro opinionis probabilitate ne  
gantis obligationem sub culpa, citat  
in primis Servarium Layuelzium. In  
apologemate autem de probabilitate  
à n. 265 multos ex veteribus citat, qui  
dixerint leges canonicas, & quinque  
Ecclesiæ præcepta esse solum pena  
lia, & non obstringere conscientias.  
Ibi citat Cajetanum, Martinum Cro  
merum, vitum à Pio IV. valde lauda  
tum, Angelum, Ioannem Ferum, Ger  
sonem, Almainum; & (quod maius  
est) S. Bernardum lib. de Precep. cap.  
29 maxime illis verbis. Non ergo qua  
liscumque mandati præterito crimi  
nalem facit inobedientiam; sed repug  
nare, sed nolle obedire.

2. Et quidem S. Bernardum non  
credo loqui de præceptis Ecclesiæ, sed  
de iussionibus simplicibus Prälaro  
rum Regularium, qui non præcipiunt  
virtute voti obedientia; & satis clare  
colligitur ex ea voce mandati, que in  
rigore non significat præceptum ob  
stringens conscientiam, nisi ex advi  
citis aliud colligatur. Nam his simpli  
cibus